

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ ДОМ

*Komisija za izbor i imenovanje/
Povjerenstvo za izbor i imenovanje*

Комисија за избор и именовање

Broj: 01/6-02-1310/25-1
Sarajevo: 17. 6. 2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 18-06-2025			
Org. jed.	Broj	Priloga	Vrijednost

**PREDSTAVNIČKOM DOMU
PARLAMENTA FEDERACIJE BOSNE I HERCEGOVINE**

Komisija za izbor i imenovanje Predstavničkog doma Parlamenta Federacije Bosne i Hercegovine na 14. sjednici, održanoj 17. 6. 2025. godine, razmatrala je sljedeći:

DNEVNI RED

1. Utvrđivanje prijedloga za imenovanje Odbora za žalbe građana
2. Prijedlog Zaključka o dopuni Zaključka o formiranju Odbora za istragu i praćenje aktivnosti u vezi sa sanacijom šteta prouzrokovanih poplavama i klizištima iz oktobra 2024. godine
3. Razmatranje Informacije broj: 01/c-02-993/25 od 5. 6. 2025. godine
4. Tekuća pitanja

Na osnovu člana 44. Poslovnika Predstavničkog doma Parlamenta Federacije Bosne i Hercegovine, Komisija Domu podnosi sljedeći:

IZVJEŠTAJ

AD-1 Razmatranje prijedloga za imenovanje Odbora za žalbe građana

Predsjednik Komisije za izbor i imenovanje dao je riječ članu Zajedničke radne grupe gosp. Opsenici da izvijesti sve članove o aktivnostima u pogledu provođenja Javnog konkursa za imenovanje Odbora za žalbe građana.

Član Zajedničke radne grupe gosp. Goran Opsenica upoznao je sve članove o sljedećim aktivnostima.

Zajednička radna grupa komisija za izbor i imenovanja oba doma Parlamenta Federacije Bosne i Hercegovine (u daljnjem tekstu: Zajednička radna grupa) 9. 6. 2025. godine održala je 7. sjednicu na kojoj su obavljani intervjui sa kandidatima za članove Odbora za žalbe građana. Na intervju je pozvano 10 kandidata koji ispunjavaju uslove javnog konkursa, s obzirom na to da je jedna prispjela prijava odbačena. Također je upoznao sve prisutne da je izvršeno bodovanje, kojim su svi prisutni članovi Zajedničke radne grupe ocijenili sve kandidate s ocjenom od 1 do 10, sačinili rang-listu te uputili izvještaj Komisiji za izbor i imenovanje Predstavničkog doma i Komisiji za izbor i imenovanje Doma naroda, na daljnje postupanje.

Kada je u pitanju postupak za imenovanje Odbora za žalbe građana, u skladu sa članom 77. Zakona o unutrašnjim poslovima Federacije Bosne i Hercegovine ("Službene novine Federacije BiH", broj: 81/14) propisano je da Odbor za žalbe građana imenuje Parlament Federacije BiH na prijedlog radnih tijela Predstavničkog doma i Dom naroda nadležnih za imenovanja, putem javnog konkursa, koji organizuju i provode ta radna tijela.

Zakonom o unutrašnjim poslovima Federacije Bosne i Hercegovine propisano je da se Odbor za žalbe građana imenuje na mandat od četiri godine i da ima tri člana, od kojih je jedan član državni službenik federalnih organa uprave, a dva člana predstavnici građana, od kojih je jedan predsjedavajući Odbora.

Članovi Odbora biraju se između istaknutih stručnjaka iz oblasti pravnih ili drugih društvenih nauka, s najmanje pet godina radnog staža nakon sticanja visoke školske spreme, a predsjedavajući Odbora mora da ima najmanje 10 godina radnog iskustva na pravnim poslovima rukovodećeg državnog službenika ili kao sudija ili tužilac.

Sastav Odbora za žalbe građana odražavat će nacionalnu i spolnu zastupljenost.

Zajedničku radnu grupu čine članovi u sastavu: Milan Ševo, Rasim Smajlović, Goran Opsenica, Aner Žuljević, Kristina Petrović i Haris Zahiragić. Član Mirnes Bašić je podnio ostavku i njega je zamijenio Haris Zahiragić.

Zadatak Zajedničke radne grupe bio je da utvrdi tekst javnog konkursa za imenovanje Odbora za žalbe građana, da razmotri prispjele prijave, utvrdi da li prijavljeni kandidati ispunjavaju uslove propisane zakonom, obavi intervju sa prijavljenim kandidatima te dostavi komisijama rang-listu kandidata za članove Odbora za žalbe građana.

Na 5. sjednici, održanoj 5. 3. 2025. godine, Zajednička radna grupa donijela je Odluku o raspisivanju javnog konkursa za imenovanje Odbora za žalbe građana, broj: 01/6,02/6-02-521/25/1. Javni konkurs je objavljen u "Dnevnom avazu" i "Večernjem listu" 27. 3. 2025. godine te u „Službenim novinama Federacije BiH“ broj 23/25 od 28. 3. 2025. godine. Javni konkurs je bio otvoren 30 dana od dana objave u „Službenim novinama Federacije BiH“ te je krajnji rok za prijave kandidata bio 28. 4. 2025. godine.

Nakon zatvaranja javnog konkursa, Zajednička radna grupa održala je 13. 5. 2025. godine 6. sjednicu na kojoj su otvorene prispjele prijave. Zajednička radna grupa zaprimila je ukupno 11 prijava, od kojih je jedna prijava odbačena jer nije dostavljena prijava na javni konkurs. Na istoj sjednici donesena je odluka da se uputi poziv za intervju svim kandidatima koji ispunjavaju uslove iz konkursa.

Dana 9. 6. 2025. godine održana je 7. sjednica Zajedničke radne grupe na kojoj su obavljani intervjui sa prijavljenim kandidatima. Prilikom intervjuiranja bila su prisutna četiri od šest članova Zajedničke radne grupe.

Na intervju je pozvano 10 kandidata, a pristupilo je 8 kandidata. Od 8 kandidata pristupile su tri žene. Nakon obavljenog intervjua, članovi Zajedničke radne grupe napravili su zbirnu tabelu sa ocjenom za svakog kandidata. Kandidati su ocijenjeni ocjenom od 1 do 10.

Prilikom ocjenjivanja kandidata članovi Zajedničke radne grupe vodili su se kriterijima stručnosti, sposobnosti, nepristrasnosti, radnog iskustva, radnog staža, ali i nacionalne i spolne pripadnosti kandidata, u skladu sa zakonom.

U nastavku izvještaja prikazan je redoslijed kandidata sa zbirnom ocjenom ostvarenom na intervjuu i nacionalnom pripadnošću, kako slijedi:

1. Ivan Miličević, iz reda hrvatskog naroda	39 bodova
2. Vahid Alagić, iz reda bošnjačkog naroda	39 bodova
3. Mahir Muharemović, iz reda bošnjačkog naroda	38,5 bodova
4. Esad Fejzagić, iz reda bošnjačkog naroda	36,5 bodova
5. Selma Ploskić, iz reda bošnjačkog naroda	35,5 bodova
6. Nermin Halilagić, iz reda bošnjačkog naroda	35 bodova
7. Željka Marković-Sekulić, iz reda hrvatskog naroda	34,5 bodova
8. Azra Šećerbajtarević, iz reda bošnjačkog naroda	33 boda.

Analizirajući sve naprijed navedeno, utvrđeno je da kandidat koji ispunjava zakonski uslov iz javnog konkursa, tj. da ima najmanje 10 godina radnog iskustva na pravnim poslovima rukovodećeg državnog službenika ili kao sudija ili tužilac, gosp. Esad Fejzagić, koji je prvi na rang-listi s najvećim brojem bodova, može da bude predsjedavajući Odbora.

Gosp. Bošković je zahvalio na izlaganju.

Nakon diskusije o ovoj tački dnevnog reda, Komisija za izbor i imenovanje, sa osam glasova za i jednim *suzdržanim*, od ukupno devet prisutnih članova Komisije, **predlaže Prijedlog Odluke o imenovanju Odbora za žalbe građana, u sastavu: Esad Fejzagić – predsjedavajući, Ivan Miličević i Selma Ploskić - članovi**, radi donošenja.

U prilogu izvještaja: Prijedlog Odluke, biografije predloženih članova, izvještaj Zajedničke radne grupe

AD-2 Prijedlog Zaključka o dopuni Zaključka o formiranju Odbora za istragu i praćenje aktivnosti u vezi sa sanacijom šteta prouzrokovanih poplavama i klizištima iz oktobra 2024. godine

Predstavnički dom Parlamenta Federacije BiH, na sjednici održanoj 28. 5.2025. godine, donio je **Zaključak o formiranju Odbora za istragu i praćenje aktivnosti u vezi sa sanacijom šteta prouzrokovanih poplavama i klizištima iz oktobra 2024. godine**, u koji su imenovani: Fuad Abaspahić, Amir Purić, Ajla Milišić-Pepić, Marijan Marjanović, Amir Ibrović, Haris Šabanović, Luka Faletar i Sandi Salkić.

S obzirom na to da je naknadno podnesen zahtjev gosp. Admira Čavalića za članstvo u ovom odboru, Komisija za izbor i imenovanje predlaže da se dopuni Zaključak kojim bi Admir Čavalić bio član ovog odbora.

Nakon diskusije o ovoj tački dnevnog reda, Komisija za izbor i imenovanje jednoglasno usvaja **Prijedlog Zaključka o dopuni Zaključka o formiranju Odbora za istragu i praćenje aktivnosti**

u vezi sa sanacijom šteta prouzrokovanih poplavama i klizištima iz oktobra 2024. godine, radi donošenja.

U prilogu izvještaja: Prijedlog Zaključka, odredbe koje se mijenjaju

AD-3 Razmatranje Informacije broj: 01/c-02-993/25 od 5. 6. 2025. godine

Komisija za izbor i imenovanje jednoglasno je podržala zaključak da se postupi po nalogu federalnog upravnog inspektora vezano za Informaciju broj: 01/c-02-993/25 od 5. 6. 2025. godine te dostavi Rješenje o slobodi pristupa informacijama federalnom upravnom inspektoru.

AD-4-Tekuća pitanja

Komisija za izbor i imenovanje zauzela je stav da se otpočne s postupkom izbora sudije Ustavnog suda BiH, kojeg bira Predstavnički dom Parlamenta FBiH, zbog odlaska u starosnu penziju sudije Mirsada Čemana krajem 2025. godine.

PREDSJEDNIK KOMISIJE

dr. Mladen Bošković



Prijedlog

Na osnovu člana 77. stava 2. Zakona o unutrašnjim poslovima Federacije Bosne i Hercegovine ("Službene novine Federacije BiH", broj: 81/14) , Parlament Federacije Bosne i Hercegovine, na sjednici Predstavničkog doma održanoj ____-2025.godine i na sjednici Doma naroda, održanoj ____2025. godine, je donio

ODLUKU

O IMENOVANJU ODBORA ZA ŽALBE GRAĐANA

I.

U Odbor za žalbe građana imenuju se na period od četiri godine:

1. ESAD FEJZAGIĆ, predsjedavajući
2. IVAN MILIČEVIĆ, član
3. SELMA PLOSKIĆ, član.

II.

Ova odluka bit će objavljena u „Službenim novinama Federacije BiH“.

PF BiH broj: _____
_____ 2025. godine
Sarajevo

**PREDSJEDAVAJUĆI
DOMA NARODA
PARLAMENTA FEDERACIJE BiH**

Tomislav Martinović

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH**

Dragan Mioković

Biografija

kandidata Esada Fejzagića

Rođen sam u Konjicu 19.02.1954. godine, od oca Saliha i majke Rabiye, rođene Redžić.

Osnovnu školu sam pohađao u Konjicu a srednju željezničku u Sarajevu.

Fakultet političkih nauka-studij sociologije u Sarajevu završio sam 1979.godine. Nakon jednogodišnje pauze ponovo sam uz rad započeo studij na Pravnom fakultetu u Mostaru, i diplomirao 1986. godine.

Pravosudni ispit položio sam 1991. godine.

Nakon sticanja fakultetskih diploma obavljao sam poslove referenta za opšte, kadrovske i pravne poslove u željezničkim transportnim organizacijama u Mostaru, a od 01.01.1989. godine do kraja 1993. godine bio sam šef Pravne službe.

Od početka 1994. godine do 31.05.2000. godine, bavio sam se advokaturom u vlastitoj advokatskoj kancelariji u Konjicu.

Na dužnost općinskog tužioca u Jablanici, imenovan sam 01.06.2000. godine, da bi od 02.02. 2004.godine nastavio pravosudnu karijeru na poziciji kantonalnog tužioca u Kantonalnom tužilaštvu HNK Mostar, do imenovanja u Sud BiH.

Funkciju sudije Suda Bosne i Hercegovine obavljao sam od 01.03.2007. godine do 21.12. 2015. godine, kada sam podnio ostavku VSTV-u BiH, zbog sticanja prava na starosnu penziju, po osnovu više od 43 godina radnog staža.

Na pozicijama tužioca i sudije proveo sam ukupno 14 godina i 7 mjeseci.

Od 22.12.2015. godine ponovno sam upisan u Imenik advokata Advokatske komore FBiH i bavim se advokaturom kao dopunskom djelatnošću.

Fejzagić Esad

Životopis

CV

Ime i prezime Ivan Miličević

Adresa Sv. Leopolda Mandića 3, Mostar,

Telefon

Mobilni telefon 063-100-635

E-mail ivan.milicevic@parlamentfbih.gov.ba

Datum i godina rođenja 27.08.1983.

Radno iskustvo

travanj 08 – ožujak 09 **Općina G. Vakuf-Uskoplje**
Vježbenik u imovinsko-pravnoj službi :
- rješavanje u postupcima uzurpacije
- eksproprijacije
- uporabnih dozvola,
- imovinski i katastarski postupci

Ožujak 10-listopad-10 **T-Inženjering Uskoplje**
- radni zadaci:
- postupci rješavanja urbanističkih, građevnih, uporabnih i ostali dozvola za nekretnine
- zastupanje tvrtke na sudovima
- pripremanje i obrada ugovora,
- izrada akata i planova nabava
- nabava i prodaja
- radni odnosi

Listopad 2010-2019 **JP "Šume Hercegovačko-neretvanske" doo Mostar**

- stručni suradnik za pravne poslove s ovlastima izvršnog direktora
- tajnik Nadzornog odbora i Skupštine Društva
- kordinator tijela Uprave Društva
- zastupnik pred tijelima uprave i sudovanja
- nositelj izrade svih akata tijela Društva

2019 do danas **Tajnik Zastupničkog doma Parlamenta Federacije BiH**
Obrazovanje

Fakultet **PRAVNI FAKULTET SVEUČILIŠTA U MOSTARU**
Smjer: OPĆI, VII/1


Poslijediplomski znanstveni studij „Bosna i Hercegovina i Europsko pravo“

Tema magistarskog rada „Opći uvjeti poslovanja u EU“

Srednja škola Gimnazija, Uskoplje

Strani jezici

Engleski jezik



Čitanje Izvrsno

Pisanje Dobro

Govor Izvrsno

Njemački jezik

Čitanje Izvrsno

Pisanje Izvrsno

Govor Dobro

Znanja i vještine

Tehničke sposobnosti Poznavanje temeljnih računalnih programa(word, excel,MPP) te pojedinih specijaliziranih računovodstvenih programa.

Vozačka dozvola Vozačka dozvola B kategorije

Projekti Voditelj projekta UNDP u sklopu UNDP-a i CRS. 2010-2011.godina


Dodatne informacije

CV ukratko

Rođen u Travniku 27.8.1983, diplomirao sam na Pravnom fakultetu Sveučilišta u Mostaru, smjer opći (diplomirani pravnik) te imam 15 godina radnog iskustva na poslovima pravne struke, uprave, nabave i organizacije ljudskih potencijala.

Uže područje moje specijalizacije je oblast građanskog, radnog, gospodarskog i upravnog prava. Radni zadatci koje sam izvršavao su: osnivanje poduzeća, izrade statuta, pravilnika, zastupanje pred nadležnim sudskim i upravnim tijelima, uredsko poslovanje i javne nabave, nabave i podaja unutar građevinskog poduzeća, izrada planova poslovanja dr.

Poslovi rukovođenja Stručne službe Zastupničkog doma i Zajedničke službe Parlamenta Federacije BiH te obavljanje samih poslova tajnika ZD sukladno Poslovniku.



Curriculum vitae

Lični podaci:

Prezime i ime: Ploskić Selma

Adresa(e): ul.Nerkeza Smailagića br.9/10

Kontakt tel: 061/496-764

E-mail: mehmedagic.selma@yahoo.com

Državljanstvo : BiH

Datum rođenja: 16.11.1981.godine

Pol: Ž

Radno iskustvo

Ime i adresa poslodavca: Lutrija Bosne i Hercegovine d.o.o. Sarajevo
Ul. Mehmeda Spahe br.11

Datumi: 01.05.2023. godine

Zanimanje / radno mesto: Šef odjeljenja za pravne i kadrovske poslove

Glavni poslovi i odgovornosti:

- Organizuje rad odjeljenja i odgovoran je za blagovremeno izvršavanje svih zakonskih obaveza Lutrije BiH.
 - Organizuje i vodi planiranje kadrova, potrebe obrazovanja i programiranje obrazovanja.
 - Učestvuje u vrednovanju rada.
 - Predlaže stipendiranje i pribavljanje kadrova.
 - Saraduje sa institucijama za obrazovanje i pribavljanje kadrova.
 - Organizuje obavljanje i obavlja pravne poslove značajnih za status i pravnu zaštitu Lutrije BiH.
 - Organizuje izradu i učestvuje u izradi opštih akata Lutrije BiH.
 - Učestvuje u izradi ugovora i tipskih ugovora.
 - Zastupa Lutriju BiH u sporovima pred sudom i pred organima uprave.
 - Obavlja i druge poslove u djelokrugu odjeljenja po nalogu i uputama neposrednog rukovodioca.
 - Odgovoran je za stručno, kvalitetno i ažurno obavljanje svih poslova iz djelokruga svoga rada.
-

Ime i adresa poslodavca: Lutrija Bosne i Hercegovine d.o.o. Sarajevo,
Ul.Mehmeda Spahe br.11

Datumi: 02.09.2010.-30.04.2023.

Zanimanje / radno mesto: Referent za pravne poslove:

Glavni poslovi i odgovornosti

- Izrađuje ugovore, sporazume i ostale pravne akte za potrebe Lutrije BiH.
- Sudjeluje u izradi pravilnika i drugih normativnih akata.
- Pruža pravnu pomoć ostalim segmentima Lutrije BiH.
- Kontaktira sa organima države i lokalne uprave.
- Obavlja i druge poslove u djelokrugu odjeljenja po nalogu i uputama neposrednog rukovodioca.
- Odgovoran je za stručno, kvalitetno i ažurno obavljanje svih poslova iz djelokruga svog rada.

Ime i adresa poslodavca: BBM d.o.o. Sarajevo
Ul. Branišlava Đurđeva

Datumi: 01.05.2009.-30.04.2010.

Zanimanje/radno mjesto: Pripravnik

Glavni poslovi i odgovornosti: osposobljavanje za samostalan rad (upoznavanje sa načinom izrade pravnih akata društva, normativnih akata društva izrada pisane korespondencije sa zakonodavnim i izvršnim organima vlasti, praćenje ročišta i sudskih sporova.)

Ime adresa poslodavca: Advokatska kancelarija Grčić

Datumi: 01.03.2008.-16.01.2009.godine

Zanimanje/ radno mjesto: volonter

Glavni poslovi i odgovornosti: osposobljavanje za samostalan rad (upoznavanje sa načinom pisanja korespondencija prema sudu i strankama, načinom otpremanja pošiljke prema sudu i strankama, načinom vođenja i evidencije sudskih predmeta)

Obrazovanje

Naziv školske visokoškolske ustanove: Pravni Fakultet univerzitete u Sarajevu

Period školovanja: 2000.-2008.

Stečeno zvanje: diplomirani pravnik

Naziv školske ustanove : Srednja Zubotehnička škola Sarajevo

Period školovanja : 1996-2000.

Stečeno zvanje: zubni tehničar

Jezik

Jezik : Engleski

Govor: dobro

Čitanje: vrlo dobro

Pisanje: vrlo dobro

Računari:

Poznavanje rada na računaru : da

Word: da

Exel: da

Powerpoint: da

Internet Explorer: da

Outlook: da

Dodatne informacije

Položen pravosudni ispit : DA

Datum polaganja: 26.03.2024.

Položen javni ispit : DA

Datum polaganje : 25.06.2010.

Splousid

Selma Ploskić

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM
DOM NARODA
Zajednička radna grupa
Komisija za izbor i imenovanja
Broj: 01/6,02/6-02-1121/25
Sarajevo, 9.6.2025. godine**

**Komisija za izbor i imenovanje
Predstavničkog doma
Parlamenta Federacije BiH**

**Komisija za izbor i imenovanja
Doma naroda
Parlamenta Federacije BiH**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 11.06.2025			
Org. jed.	Broj	Priloga	Vrijednost

Zajednička radna grupa Komisija za izbor i imenovanja oba doma Parlamenta Federacije Bosne i Hercegovine (u daljem tekstu: Zajednička radna grupa), dana 9.6.2025. godine održala je 7. sjednicu, te podnosi Komisiji za izbor i imenovanje Predstavničkog doma i Komisiji za izbor i imenovanja Doma naroda Parlamenta Federacije Bosne i Hercegovine sljedeći

IZVJEŠTAJ

Članom 77. Zakona o unutrašnjim poslovima Federacije Bosne i Hercegovine („Službene novine Federacije BiH“ broj 81/14) propisano je da Odbor za žalbe građana imenuje Parlament Federacije Bosne i Hercegovine na prijedlog radnih tijela Predstavničkog doma i Doma naroda nadležnih za imenovanja, putem javnog konkursa, koji organiziraju i provode ta radna tijela.

Zakonom o unutrašnjim poslovima Federacije Bosne i Hercegovine propisano je da se Odbor za žalbe građana imenuje na mandat od četiri godine i da ima tri člana, od kojih je jedan član državni službenik federalnih organa uprave, a dva člana predstavnici građana od kojih je jedan predsjedavajući Odbora.

Članovi Odbora biraju se između istaknutih stručnjaka iz područja pravnih ili drugih društvenih nauka, s najmanje pet godina radnoga staža nakon sticanja visoke školske

1. Ivan Miličević, iz reda hrvatskog naroda	39
2. Vahid Alagić, iz reda bošnjačkog naroda	39
3. Mahir Muharemović, iz reda bošnjačkog naroda	38.5
4. Esad Fejzagić, iz reda bošnjačkog naroda	36.5
5. Selma Ploskić, iz reda bošnjačkog naroda	35.5
6. Nermin Halilagić, iz reda bošnjačkog naroda	35
7. Željka Marković-Sekulić, iz reda hrvatskog naroda	34.5
8. Azra Šečerbajtarević, iz reda bošnjačkog naroda	33

Zajednička radna grupa, nakon obavljene procedure propisane Zakonom o unutarnjim poslovima Federacije Bosne i Hercegovine, predlaže Komisiji za izbor i imenovanje Predstavničkog doma i Komisiji za izbor i imenovanja Doma naroda Parlamenta Federacije Bosne i Hercegovine, da u skladu sa Zakonom o unutarnjim poslovima Federacije Bosne i Hercegovine, predlože domovima Parlamenta Federacije Bosne i Hercegovine listu kandidata koji će odlukom domova biti imenovani za članove Odbora za žalbe građana.



PREDSJEDNIK
ZAJEDNIČKE RADNE GRUPE

Milan Ševo



Prijedlog

Na osnovu člana 44. i člana 147. Poslovnika Predstavničkog doma Parlamenta Federacije BiH („Službene novine Federacije BiH“, br: 69/07, 2/08, 26/20 i 13/24), Predstavnički dom Parlamenta Federacije Bosne i Hercegovine, na sjednici održanoj -----2025.godine, je donio

ZAKLJUČAK

**O DOPUNI ZAKLJUČKA O FORMIRANJU ODBORA ZA ISTRAGU I PRAĆENJE
AKTIVNOSTI U VEZI SA SANACIJOM ŠTETA PROUZROKOVANIH POPLAVAMA I
KLIZIŠTIMA IZ OKTOBRA 2024.GODINE**

I.

U tački III. Zaključka o formiranju Odbora za istragu i praćenje aktivnosti u vezi sa sanacijom šteta prouzrokovanih poplavama i klizištima iz oktobra 2024.godine („Službene novine Federacije BiH“, broj:41/25), u tački 8. na kraju reda briše se tačka i dodaju riječi: “i

9. Admir Čavalić“.

II.

Ova odluka bit će objavljena u „Službenim novinama Federacije BiH“.

PD PF BiH broj: _____
_____ 2025. godine
Sarajevo

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH**

Dragan Mioković

ЗАКЉУЧАК

О ФОРМИРАЊУ ОДБОРА ЗА ИСТРАГУ И ПРАЋЕЊЕ АКТИВНОСТИ У ВЕЗИ СА САНАЦИЈОМ ШТЕТА ПРОУЗРОКОВАНИХ ПОПЛАВАМА И КЛИЗИШТИМА ИЗ ОКТОБРА 2024. ГОДИНЕ

I

Формира се повремено радно тијело - Одбор за истрагу и праћење активности у вези са санацијом штета проузрокованих поплавама и клизиштима из октобра 2024. године.

II

У складу са надлежностима прописаним Уставом Федерације БиХ и Пословником Представничког дома, овај Одбор формира се у мандатном периоду 2022. - 2026. године ради обављања следећих послова:

- проводи истрагу у вези с радњама и процесима везаним уз поплаве и клизишта из октобра 2024. године у Федерацији БиХ,
- прати провођење мјера и активности надлежних институција Федерације БиХ, кантона и јединица локалне самоуправе везаних за санацију последица природне несреће,
- анализира намјенско кориштење домаћих и донаторских средстава у процесу помоћи погођеним подручјима,
- успоставља редовну комуникацију с ресорним министарствима, јавним установама и невладиним организацијама укљученим у санкцију,
- подноси извјештаје Представничком дому Парламента Федерације БиХ о налазима, препорукама и евентуално уоченим неправилностима.

III

Чланови одбора су:

1. Фуад Абаспахић
2. Амир Пурић
3. Ајла Милишић-Пепић,
4. Маријан Марјановић
5. Амир Ибровић
6. Харис Шабановић
7. Лука Фалетар
8. Санди Салкић.

IV

Административна и техничка подршка раду Одбора биће осигурана путем Стручне службе Представничког дома Парламента Федерације Босне и Херцеговине.

V

Овај Закључак ступа на снагу даном доношења и биће објављен у "Службеним новинама Федерације БиХ".

Председавајући
ПД ПФБиХ, број 01-02-
1079/25-1
28. маја 2025. године
Сарајево

Представничког дома
Парламента Федерације
БиХ
Драган Миоковић, с. р.

На основу члана 44. Пословника Представничког дома Парламента Федерације Босне и Херцеговине ("Службене новине Федерације БиХ", бр. 69/07, 2/08, 26/20 и 13/24), у складу са Закључком број 01-02-826/25, донесеног 02.04.2025. године, Представнички дом Парламента Федерације Босне и Херцеговине, на сједници одржаној 28.05.2025. године, доноси следећи

ЗАКЉУЧАК

О ФОРМИРАЊУ ОДБОРА ЗА ИСТРАГУ И ПРАЋЕЊЕ АКТИВНОСТИ У ВЕЗИ СА САНАЦИЈОМ ШТЕТА ПРОУЗРОКОВАНИХ ПОПЛАВАМА И КЛИЗИШТИМА ИЗ ОКТОБРА 2024. ГОДИНЕ

I

Формира се повремено радно тијело - Одбор за истрагу и праћење активности у вези са санацијом штета проузрокованих поплавама и клизиштима из октобра 2024. године.

II

У складу с надлежностима прописаним Уставом Федерације БиХ и Пословником Представничког дома, овај Одбор формира се у мандатном периоду 2022. - 2026. година ради обављања следећих послова:

- проводи истрагу у вези с радњама и процесима везаним уз поплаве и клизишта из октобра 2024. године у Федерацији БиХ,
- прати провођење мјера и активности надлежних институција Федерације БиХ, кантона и јединица локалне самоуправе везаних за санацију последица природне несреће,
- анализира намјенско кориштење домаћих и донаторских средстава у процесу помоћи погођеним подручјима,
- успоставља редовну комуникацију с ресорним министарствима, јавним установама и невладиним организацијама укљученим у санацију,
- подноси извјештаје Представничком дому Парламента Федерације БиХ о налазима, препорукама и евентуално уоченим неправилностима.

III

Чланови одбора су:

1. Фуад Абаспахић
2. Амир Пурић
3. Ајла Милишић-Пепић
4. Маријан Марјановић
5. Амир Ибровић
6. Харис Шабановић
7. Лука Фалетар
8. Санди Салкић.

IV.

Административна и техничка подршка раду Одбора биће осигурана путем Стручне службе Представничког дома Парламента Федерације Босне и Херцеговине.

V.

Овај Закључак ступа на снагу даном доношења и биће објављен у "Службеним новинама Федерације БиХ".

PD PFBiH, број 01-02-
1079/25-1
28. маја 2025. године
Сарајево

Председавајући
Представничког дома
Парламента Федерације БиХ
Драган Миоковић, с. г.

ВЛАДА ФЕДЕРАЦИЈЕ БОСНЕ И ХЕРЦЕГОВИНЕ

1000

На основу члана 19. ставак (2) Закона о Влади Федерације Босне и Херцеговине ("Службене новине Федерације БиХ", бр. 1/94, 8/95, 58/02, 19/03, 2/06 и 8/06) и члана 13. ставак (3) Закона о потицању развоја мале привреде ("Службене новине Федерације БиХ", број 39/24), Влада Федерације Босне и Херцеговине, на 211. јуној сједници, одржаној 02.06.2025. године, доноси